

# Малин хот белдлгын—эркн төр

Сарпинск района 2-ч номертā совхозин кўч-кўлсчнр эн джил малин хот белдлгннд икār оньган огчāнā. Эн ўвл совхозд 69.600 хон, 800 гар бод мал ўвлзхмн. Мал агърусан сāнār асрдж гаргъхин болн малдан хойр джилā хот белдхин тōлā 300.000 центнер овсн кергтā. Эндр өдр 225.000 центнер овсн хадгдсн бāнā. Ывсн ямаран кōк, сāн болв чигн шимārн эрдни-шишāлā āдлцдж чадшго. Энўг совхозин гардвр сāнār меднā. Тегād эдн зурагъар 16.000 тонн эрдни-шишāн силос дархин ормд 20.000 тонн дардж белдхār бāнā.

Газрин сāниг шўўгъад, термлдж тārлгнā аргъар тārсн 2.500 гектар эрдни-шишā йир никт, өндр болн бōдўн початкста болдж ургъв. Ода эн совхозд йир ик кōдлшин гўргў болджана. Кōдлмш кех наста улс негн кўртлāн шун-

джана өдр, сō уга машинā ā, āмтнā дун сонъсгдна. 2.700 гектар хар тārāгъāн дуусчкад, 3.016 гектар ичмāгъāн эклдж хадджана.

Тārāнā кōдлмш ямаран агъмта болв чигн эн совхозд малин хот белдлгн сулддж йовхш. Малд кōдлдг улс цоцаган олзлдж овс зōоджāцнā. Марылов, Ненишев, Хидонов, нань чигн хōōчнрин хошин өөр ўвлā хотин өрāлинь зōочксн бāнā. Ывс хадлгннд икār шундж Шеповалов, Артаев, Ванькаев ахта кōдлдж йовцхана. Ывс хадлгнā кōдлмш совхозин 4-ч фермд (залгчнь ўр Чинтмиров) йир сāнār кегддж йовна. Амрдг өдр болгн конторт кōдлдг церглāчнр воскресник кенā. Эн совхозин кўч-кўлсчнр келсн ўгдāн кўрād, малдан хойр джилā хот белддж чадгидж иткдж болхмн, эдн белдх чигн зōвтā.

**Н. ТИМАНОВ.**